

CUADDUS de Giovanna Podda

Fiat ananti 'e su potabi
scampaniàu de su ferreri
chi fatu fatu ... a pipia
mi firmamu a castiai
is cuaddus, in abetu pàsidu
firmus... po ddus ferrai.
Cuaddus passentziosus
masèdus... che-i su "boi"
de su poeta mannu,
mi setzia in d-una perda
assentàda che in scannu,
timendi chi dannu ddis fadessint.
Cun cussu arresigai
abrighendi is ferrus
i arremacendi totus is aciòus,
spantàda biemu is cuaddus
asuta'e su traballu chen"e dolus.
Ddus connoscemu beni
bàius, castàngius
nieddus, murrus o biancus.
Mi pariat chi issus puru
mi castiessint... e in su coru
e me is ogus ligessint
totu 'su chi, ddis iap'essi 'òfiu nai.
In sa 'ia costumànta a passai
a ogus bàscius . . . stasiùs
traghendu biaxis de loris carriaus,
o cubidinas fragosas 'e binnenna.
Si fuiat s'ora chi passamu
avatu 'e is cuaddus
a sa scarèscia ... incantàda
e furriendu a domu mi buscamu
su strùnciu e mancai
una scantrexiàda,
... e s'est bolau su tempus
chi oi torrat... i ariseu
m'amaiàt.

Con i versi di questa poesia anche noi per qualche istante torniamo bambini e sogniamo cavalli che passano lenti nelle vie polverose trascinando forse fatiche che appartengono a un tempo remoto.